

苏21

3-11<1

急救仙方

一



急救僊方卷之一

側一

急救僊方卷之二

側二

急救僊方卷之三

側三

急救僊方卷之四

側四

急救僊方卷之五

側五

上海涵芬樓影印正統道藏本



南京中醫藥大學圖書館版權所有

急救仙方序

惻一

醫之療疾莫難於婦人婦人之疾莫重於胎
產胎產之重者何蓋以一身之疾否繫乎母
子之存亡故千金方部居獨以婦人廁其首
此思邈孫真人之用心不苟矣世之胎產諸
方不為不富然其間多犯冗僻貴冗則倉卒
之際難備僻則窮鄉下邑難得貴則貧窶之
家難求是三者雖非君子用心之不周而人
之蒙其惠者往往求什一於千百今此方之
編分為三類末附以雜病雖不能如諸方之



廣載博該要之不犯冗僻貴而凡胎產危急
之證大略亦盡之矣俾倉卒之際窮鄉下邑
貧窶之家皆得易而求之雖一草一木足以
收效豈若前三者之難為功哉苟有用者始
信其為閨門之重寶云金川徐守貞序

則一



急救仙方卷之一

妊娠諸疾品

木苓湯治婦人胎孕不安

白朮

黃芩

各等分

右為粗末每服三錢水二盞當歸一根同

煎至一盞稍溫服

立效散治胎動不安如重物所墜冷如冰

川芎

當歸

各等分

右為粗末每服五錢水煎食前溫服或下

血心腹痛酒水相半煎服



保安散治妊娠因有所傷胎動疼不可忍及

血崩不止

連皮縮砂

不以多少炒黑去皮

右為細末温酒調下覺腹中熱則胎已安

矣

治妊娠胎動不安或腰痛胞轉捨心下血不

止

石菖蒲根

搗汁三升飲之

又方艾葉如雞子大以酒四升煮取二升分

二服良



又方檳榔一兩為末葱白湯調下一錢七佳

二黃散治有孕胎漏下血

生地黃

熟地黃

各等分

右為細末每服三錢煎白朮枳殼調下

立聖散治妊娠下血不止

雞肝二具用好酒一升煮熟共酒食之大

效

枳芩散治胎漏下血或因事下血

枳殼

去穢半兩麩炒

黃芩

兩半

白朮

兩二

右為粗末每服五七錢水煎去滓食前服



治妊娠誤有失墜或推築著疼痛難忍

當歸一兩

新青竹茹二合

右以好酒二升煮十數沸分三服

又方以川芎為末每服二錢溫酒調下

治妊娠因頓跌胎動不安腰痛腹滿或有所

下或胎上搶心

熟地黄二兩

白芍藥

艾葉

當歸

甘草

阿膠炒珠

黃耆

川芎各一兩

右以咀每服半兩姜三片棗一枚水煎服

樹一

三



火龍散治妊娠心氣痛

樹一

三

艾葉

半兩 鹽炒 一半

茴香

半兩 炒

川練子

半兩 炒

右為細末水煎食前服

通氣散治妊娠腰痛狀不可忍此藥神妙

破故紙不以多少瓦上炒香熟為末嚼

胡桃肉一箇空心溫酒調下三錢

芎歸湯治妊娠胎動子死或不死

川芎

當歸 各等分

右咬咀每服三五錢加紫蘇數葉酒水合

煎服死者即下未死者即安



黃連湯治妊娠兒在腹中啼

黃連二錢

生甘草一錢

右濃煎汁令母呷之

又方以多年空屋下鼠穴中土一塊令母噉之即止

猪苓散治妊娠從腳上腫至腹小便微利微渴引飲

猪苓五兩

右為末以熟水服方寸七日三

葶藶散治妊娠遍身洪腫



葶藶二兩

白朮五兩

白茯苓

桑白皮

郁李仁各二兩

右為粗末水六升煮取二升分三服小便

利即差

又方澤瀉二兩

葶藶二兩

茯苓

枳殼炒麩

白朮各六兩

右為細切以水六升煮取二升分二服

防已湯治妊娠脾虛遍身浮腫心腹脹滿喘

促小便不利

防已七錢半

桑白皮

赤茯苓



紫蘇莖葉 各一兩

木香 二錢半

大便不通加枳殼檳榔

右粗末每服四錢姜四片水同煎食前服

當歸芍藥散治妊娠腹中絞痛心下急痛

白芍藥 四兩

當歸

茯苓 各一兩

澤瀉 二兩

川芎 二兩

甘草 炙一兩

右為細末每服三錢食前溫酒調服以蜜

丸亦可

人參散治妊娠霍亂吐瀉心煩腹痛

人參 一兩

厚朴 一兩姜製

陳皮 一兩



當歸炒

甘草半兩
炙

乾生姜一兩

嘔逆不止加益智仁煨草豆寇

右呔咀每服四錢棗三箇水煎服

茯苓半夏湯治妊娠惡阻心中憤悶頭目眩

暈四肢怠惰百節煩疼胃膈痰逆嘔吐惡心

燥聞食氣好飲酸醎多卧少起全不進食先

服茯苓半夏湯次服茯苓丸

半夏一兩二錢湯
洗七次炒

赤茯苓

熟地黄各七錢半陳皮

人參

旋覆花 芍藥

川芎



桔梗 各半
兩

甘草 半兩
炒

右為粗末每服五錢姜三片同煎食前熱

服

茯苓丸

赤茯苓

人參

桂 炒

半夏 湯洗
炒

陳皮

乾姜 炮各
五錢

白朮

葛根 各一
兩

甘草 一兩
炙

枳實 二兩
麩炒

右為細末鍊蜜丸桐子大米飲下三五十

丸食前



竹瀝湯治妊娠恒若煩悶心膽怯此名子煩

茯苓 三兩

竹瀝 升一

右以水四升煎取二升分三服不差再服

又方茯苓

四兩

防風

麥門冬 去心

黃芩

各三兩

人參

一兩五錢

右呔咀每服四錢淡竹葉數片同煎服不

得眠加酸棗仁

紫蘇飲治妊娠胎上逼脹滿疼痛謂之子懸

兼治臨產驚悸氣結連日不下

紫蘇

一兩

當歸

甘草

各二錢半



人參

川芎

大腹皮

陳皮

白芍藥 各半

右咬咀每服半兩水一盞半姜四片葱白

七寸去滓空心温服

知母散治妊娠煩躁悶亂口乾及胎藏熱

知母

甘草

麥門冬 去心各半兩

黃耆

黃芩

赤茯苓 各七錢

右咬咀每服四錢竹茹一塊水煎服四肢

壯熱加葛根柴胡

治妊娠忽下黃汁如膠或如小豆汁

